

فيلم

سارح انا وايدي تحت خدي
زحمة صور العقل فيها انعجق (١)
افكار بتطير لفوق بتودي
بتلعب مثل طياره ورق
تطلعت ع مرايتي لي حدي
شفت شعري بلونين انفلق
ولي كانت بالامس مسوده
غزاها الشيب والاسود سرق
وصار العمر قدامي يعدي
فيلم بالاسود والابيض مرء
شفت حالي طفل نايم عا مخده
وام سهراني و بعيونها قلق
شفت بي حامل للشغل عده
راجع تعبان متصبب عرق
شفت صغار عم بيلعبوا بموده
يتنافسوا بلعبة غميضة وسبق
شفت فتيان يقطفوا من الحقل ورده
بيلملوا زهور ويشموا حبق
شفت شباب قوة وفتوه وشده
شبابيه وجمال سبحان الخلق
شفت رجال و عنفوان وتحدي
وعيون ثاقبه تشعشع برق
شفت حالي سن الخمسين متعدي
تعجبت من عمري كيف انسلق
تخيلت حالي ختيار ماحدا حدي
كبير بالعمر صرت من العتق
تا شوف اكرخفت و ماعاد بدي
خلص الشريط والفيلم احترق
خضر خليفه